

Versus de excidio Troie — Super omnes versus qui facti sunt huiusmodi¹.

- Fervet amore Paris, navem² parat, immolat aris:
 Fratribus ignaris scinditur unda maris.
 Temptat Tyndaridem³, favet illa, relinquit Atridem,
 Prompta sequi Paridem, passa perire fidem.
 5 Equora raptor arat, tenet effectum⁴ quod amarat.
 Se res declarat, Grecia bella parat.
 Contra Dardanidem res provocat ista Tydidem⁵,
 Incitat Eacidem Pallas ad illud idem.
 Argos⁶ nudatur, fit classis, pontus aratur⁷.
 10 Hostia mactatur, aura quieta datur.
 Abiurans reditus⁸ Frigium⁹ rapit anchora litus,
 Obstruit introitus Hector ad arma citus.
 Ylios¹⁰ arma gerit, Helenam sua Grecia querit,
 Fraus aditus aperit, hostis ab hoste perit.
 15 Sub Danaum pube, telorum territa nube,
 Infremit urbs Hecube, flant resonantque tube.
 Miles ad arma fremit, vitæ fraus Hectora demit.
 Urbem¹¹ pugna premit, Troia sub hoste tremit.
 Ars nisi dictaret¹² Danaos numenque iuvaret,
 20 Murus adhuc staret, qui modo rege caret.
 Queritur ars, fit equus, latet intra viscera Grecus.
 Fit Priamus cecus, ducitur intro pecus.
 Synon flens orat¹³, Ytacus fallendo laborat;
 Machina¹⁴ claustra forat, cetera flamma vorat.
 25 Ars¹⁵ urbem tradit, urbs in discrimina vadit,
 Ignis edax radit, Pergama, Troia cadit.
 Credula fallaci, flamme subiecta voraci,
 Passa dolos Ytaci Troia fit esca faci.
 Urbis opes lacere flammis alimenta dedere,
 30 Igni cessere menia, claustra, sere.
 Argis exosa iacet Ilios, ante iocosa,
 Inclita, formosa; nunc rubus¹⁶, ante rosa.
 Igni sublatus fugit¹⁷, omnia ferre paratus,
 Firma classe ratus, te, Chiterea, satus.
 35 Fellus fatalis petitur navalibus alis,
 Obviat ira salis, peste, furore¹⁸, malis.

1) Im Bur. nur 'Versus'. 2) 'Troianis imm.' B. 3) 'Tytar.' Rem.
 4) 'optatum' B. 5) 'Tyt.' Cl. R. 6) 'Grecia' B. 7) 'classis coit,
 unda minatur' B. 8) 'Passa freti strepitus' B. 9) 'Phrig.' R. 10) 'Ilios' B.
 11) 'Troiam' B. 12) 'ni servaret' B. Ob 'ductaret'? 13) 'Flendo
 si norat' B. 14) 'Ignis ligna vorat, machina saxa forat' B.
 15) 25 u. 26 folgen auf 28, B. 16) 'rubes' B. Zu diesem Verse vgl.
 das folgende Gedicht auf Samson von Reims: 'Urbs prius exosa fit in
 eius laude iocosa, Inclita, famosa; tunc rubus, ecce rosa'. 17) 'fuit' B.
 18) 'turbine peste' B.